

ջանաց մահմետականացն երկնչէր. զուրացութիւնն ի միտ բերեալ փղձկէր¹⁾ և զկինն և զորդիսն խրատէր թէ Զիս զօրութեամբ արարին, զի եւ դուք հաստատուն լիջիք ի հաւատս Քրիստոսի. եթէ յայտնի պաշտեցեմ զհաւատս՝ երկնչիմ, եւ թէ ի ծածուկ՝ չկամիմ, զի ոչ է հաւատն Քրիստոսի ծածուկ այլ յայտնի: Զայս ասէր զմտաւ եւ զբանս զայստոսիկ ասէր ամուսնոյն եւ մօրն եւ որդւոցն, մինչեւ ի տանն ազօթս առնելով, սաղմոս եւ շարականս երգելով, զոր եւ զբացիք ի Տաճկացն լըւեալ զայս՝ զայրանային, բայց անտես առնէին, մինչեւ յաւուրս ըսամազանի Տաճկացն, որ Բշի երեկոյիս վառեցին զկանթեղս մնաբայիցն, որպէս օրէն է նոցա վառել եւ կանչել. եւ ի ժամ վառելուն զկանթեղսն եւ կանչելուն՝ ելեալ սա ի բարձրաւանդակ տեղս տանն իւր, յոր երեւել մնարային գէմ յանդիման, ըսկսի բարձր ձայնիւ հայհոյէ զօրէնս եւ զկրօնս, զհաւատս, եւ զօրէնսգիրն մոլորեցուցիչ և սուտ խաբերայ ասելով, մինչև խափանել զձայն մօլնային: Վասն որոյ զնամազն վճարեալ պղծիցն և զհացկերոյթն արարեալ և ժողովեալ զամենայն ծերակոյտս սահմանացն այնմ և գիմեալ առ բռնաւորս, զազէտս պատմելով թէ Փոյթ ընդ փոյթ կալցուք զնա: Եւ ելին բռնաւորքն ընդ նոսին մեծաւ ամբօսիւ ի զիչերի եկեալ ի դուռն և բախեալ կործանեն զդուռն և մտեալ ի տուն՝ ըմբռնեալ զնա ի մէջ մահճին, կապեալ ձեռս ի յետս և տանին առ մեծ բրունաւորն. և նա ոչ հանեալ յերես՝ հրամայէ ի բանտս մահապարտացն մաշել: Եւ երթային բանտապետքն և ծանօթքն ի Տաճկաց և խրատէին. և ոչ ևս անսայր և զնոյն բան ասէր: Այլ խորհեալ բռնաւորացն՝ Զթէ այդպէս իցէ՝ կորուսցուք զգա. և այլք ասէին.

1) փղզկէր.